

太谷縣志

671.4107
084
15

太谷縣志目錄

第一卷

方輿圖

縣境詳圖
五區分圖
山脈水道圖
城郭圖

年紀表

唐虞至民國

官師表

隋唐至民國

第二卷

選舉表

北齊金元明清
學校畢業
附薦辟

仕籍表

文職
武職

第三卷

地理略

津疆
梁域

驛沿
站車

汽山
路川

郵關
政隘

電溝
報洫

賦稅略

倉戶
儲口

差田
徭賦

雜稅

財
務局

第四卷

生業略

附農
物桑
產局

工
廠

商
會

教育略

學庠
校學
表

學
校

附銘
賢教
學育
校機
關

禮俗略

附禮
方節
言

風
俗

兵防畧

商歷
團代

兵
事

附古
兵

巡
警

保
衛團

第五卷

名宦傳

附唐
至清

鄉賢傳

分封
孝友

功勛
義行

忠烈
隱逸

宦蹟
方技

儒行
附遺聞

文學

第六卷

列女傳

烈婦
賢媛

節孝
壽婦

第七卷

營建考

城堤
碑亭

公署
坊表

廟學

古蹟考

城堡
金石

宮府
塚墓

壇廟
古樹

寺觀

第八卷

著述考

經目
子目

史目
集目

祀典考

祀孔
祀關岳

儀文
儀文

外編
附

太谷縣志卷五

名宦

設官分職以爲民也而邑之長佐師儒與民爲最近故州縣官吏苟有惠澤及於民物則家戶祝沒世不忘矣太谷官師之政蹟當漢晉之世書缺有間無得而稱自隋唐以迄清末遺惠在民因口碑而成筆錄者凡三十六人茲謹依時代先後纂集成編非僅錄賢抑以勵後之吏茲土者

隋

殷嶠字開山鄠縣人大業末爲太谷長有治聲唐祖起兵太原召

補大將軍掾參預謀畧從攻西河爲清北道元帥長史招慰關
輔羣盜皆下之武德中歷官陝東道行臺吏部尙書封鄖國公
卒贈陝東道大行臺右僕射謚曰節葬陽曲縣西永徽中加贈
司空

唐

安廷堅開元中爲太谷令有善政縣人立碑頌之

李殷爲太谷令廉平仁恕政化大行秩滿當代北京尹上言殷釐
務公廉以德化下獄無囚繫刑無鞭扑薪水不擾於民力賦興
不失於公程三時勸農躬行田井一邑熙熙長幼有序流亡歸

復如戀父母今考秩垂滿衆情願留欲希明恩重令治任朝廷
賜詔褒美量留一年

宋

張伯玉慶歷中知太谷縣愛民勤政廣興水利縣民德之

伯玉以文章著

名嘗撰邠州刺史大廳記過叔虞祠詩

其沒也民爲立祠陽村明福寺

郭永元城人

按府志作三河人

少剛勇明決徽宗時以祖任丹州司法參

軍遷知太谷縣有善政太原帥每宴享費輒千金歛隸縣以給
徵諸太谷者尤亟永以書抵幕府曰非什一而取皆民膏血也
以資觴豆費可乎脫不獲命當自免府遂不敢迫縣有潭出雲

兩歲旱巫乘此譁民永杖巫暴烈日中雨立至縣人刻石紀其
異府遣卒數輩號警盜刺諸縣短長遊蠹不歸莫敢忤永械致
之府府爲并他縣追還部使者及郡文移有不便於民必條利
病反復或遂寢不行人謂永毋賈禍永曰知行吾志而已太谷
人安其政以爲自有令無永比者旣去數年復過之則老稚遮
留如永始去靖康末提點河東刑獄建炎初宗澤檄犄角大名
爲劉豫所害贈資政殿學士謚勇節

元

月倫失鉄木兒延祐泰定間任太谷達魯花赤公廉有爲嘗請免

縣協濟以紓民力縣人立碑紀之

劉約禮爲縣尹時邑多水患每逢夏秋霖潦城南諸村盡成巨浸積三十餘年邑城爲河流所齧幾有復隍之虞約禮經營相度浚蒲池之填闕障奄谷之橫波使巖鹵沙石之區盡成五沃民

甚德之

補

明

謝忠上虞人洪武二年任太谷主簿以文學政事稱

鄭養吾洪武三年任太谷知縣元末學校久廢養吾下車首事修葺作養士氣振興人才在治十餘年文教大行後庚午癸酉科

鄉試縣人白珣劉觀連舉解首

劉觀雄縣人洪武十八年以進士任太谷縣丞善催科不假敲扑而事集聽訟得情民懷吏畏公暇督諸生讀書親爲講授考滿去行李蕭然擢監察御史永樂中歷官禮部尙書左都御史洪熙初加太子少保坐法免謫死遼東

張壽華陰人宏治時以舉人任太谷知縣剛正修潔履任惟攜一僕時衣舊布袍飯脫粟佐以藜藿治事九載興利除弊留心民瘼不事逢迎時號板張歲旱跣步禱鳳凰山至卽大雨御史按臨供億甚菲頗怒之旣遣人搜其私積惟明律一部公服數襲

乃更嘆服亟加優禮考滿內遷百姓流涕歷官戶部郎中

高山襄城人正德時任太谷教諭剛方嚴肅時以正道訓迪諸士服其教者多成名

韓景憲陝西咸寧人正德十三年以舉人任太谷教諭博極羣書尤邃於理學門下士多得其傳典試四川所鑒拔皆知名士遷京衛武學教授

劉奎耀束鹿人嘉靖二年以舉人任太谷知縣性嚴重人莫敢犯凡施設規模務極遠大抑豪強屏貪蠹興學校理冤抑杜侵漁視事期年吏尙廉勤民知禮讓及就徵民遮道雨泣

崔三畏字肖三蠡縣人嘉靖八年以進士任太谷知縣有惠政民有犯先諭以義理而後治之未嘗任情盡法尤注意學校後徵於朝士民遮道乞留歷官四川布政司參政

張承惠易州人嘉靖十五年以舉人任太谷知縣性嚴毅餽遺無所受人不敢干以私爲政務持大體不事徼察遇奸吏舞文勢豪侵并必隨事痛懲之每朔望視學進諸生講授娓娓不倦一時文行丕變以覲事卒於京士民遙奠哀泣

戴麟金鄉人嘉靖二十一年任太谷訓導性坦易居恒無疾言厲色貧士以束脩進輒力辭後卒於官士人思之

王楫新泰人嘉靖二十三年以舉人任太谷知縣政尙嚴明庭無私謁豪猾皆屏惕息迹然不事刻覈法之所加止懲奸蠹而已雅意愛士貧者多方賑濟皆不能備禮者捐俸助之在治三年政平訟簡乞休去職書囊襤被外無長物父老至今傳誦焉初旦博興人隆慶元年以舉人任太谷知縣遇事立斷百廢皆興吏民敬畏修城不假箠撻而鉅工告成遷主事

賈西土眞定人萬歷二年以舉人任太谷知縣以廉幹稱縣多淫訟禁之漸戢舊城土築雜以礮沙易致摧圯西土請於巡撫鄭洛改甃以磚越三年工竣保障之功至今賴之遷代州知州

張子清無極人萬歷時以恩貢任太谷知縣興學育士減稅甦民時有何處春臺似太谷之謠遷永甯州知州

喬允升字吉甫洛陽人萬歷二十年以進士任聞喜知縣二十二年調繁太谷清操惠政爲一時冠縣南耐泉渠歲久壅涸允升督民夫開濬溉侯城諸村田十餘頃修學宮均賦役實倉儲嚴保甲禁淫汰懲奸蠹抑豪強在縣五年以治行高等徵授御史天啟中歷官順天府尹刑部侍郎尙書崇禎初坐法戍邊未幾卒縣民立祠祀之

黃芬新野人萬歷二十七年以進士任太谷知縣興利除害不遺

餘力以勞瘁卒官篋筭蕭然至不能庀歛縣節婦喬氏以己棺
塋之始成喪

牛維曜字薇垣商州人萬歷三十二年以進士任太谷知縣嘗置

贍田三十畝以給貧生

公作贍田碑記其文曰士風以禮義爲大節提調以作興爲首務蓋學者莫先

治生之道裕則廉恥興廉恥興則士風正平居時每見上庠於
貧方朔不謀夕而在有司者不能憐而濟之以故出入請託以

開資緣之路從之則法槩不從則怨興此非獨士之過也太谷
風俗樸茂士大夫非公事不入縣門俱恂恂自守而其中亦有

貧不能自給者本縣每量行賑濟或諸生自具呈上司及查本
縣學租才三石耳以三石租而供一縣貧生之需所濟能幾人

所給能幾許哉議者將歲以數十金送學亦如前按臺爲養廉
例然恐主之者不得其人將久而侵廢且積者有限而應給者

無窮然猶拘墟之惠非長久之規也平居執法無二奉公不私
每每以禮義廉恥裁諸生而市之易衣而出并日而食者若齊

人之不相關惡在其有父母之責哉。曜當入覲時，罄囊得五十金買租三十石地，最沃壤，上等，非以濱河沙鹹者充數爲虛應。故事歲終令該學將貧生開數報明，本縣查果得實，卽以學租賑濟。量極貧次貧，每歲可濟十四五人，不必取諸倉，不必出於上。母論有志誦讀者，借以爲燈油之資，禮義生於富足，未必非培植士節之一助也。調南直泰興知縣天

啟初歷遼東監軍道，清道光三十年知縣，萬金鏞從諸生請於儒學明倫堂東建祠祀之。

賈毓祥平度人，萬歷三十八年以進士任太谷知縣，剛方正大，一介不取，尤多惠政。當時有眞父母之稱，建祠祀之。

清

韓昌穀禹城人，順治元年以進士任太谷知縣，甫下車卽請免協。